

國朝書畫錄

子部  
3530  
4-3



天 3  
3530  
4-3

國朝書畫家筆錄卷三

黃丹書 薛玉堂 王士 王樹穀 馬驥

呂猶龍 李頴 蘇溶 孫坤 楊燦

翟繼昌 姜壘 陳枚 杜亮采 張惠言

莊又朔 馮箕 蔣寶齡 蔣莖生 陳至言

章杞 蘇士藻 程鐸 湯溶 王孝咸

孫爾準 楊湘 戴鑑 張鏐 丁敬

李兆洛 李願 黃勳 高雲麓 章烜

孫兆蕙 邵湘丞 廉志勳 寶廷樸 杜首昌

毛恆 沈宗騫 龔鏜 姜奮渭 齊彥槐

郭尙先	吳 諤	祝應璣	謝 炎	施遇鑾
文命時	何其仁	陳一道	嵇承濂	劉 澤
劉岱松	劉古歡	顧子觀	陸 駿	陸 坤
錢 泳	趙之琛	江 聲	過鳴岡	高秉鈞
陳鴻壽	黃 均	朱昂之	顧 臯	夏柔嘉
夏之成	程恩澤	汪坤裳	吳上翰	吳 金
戴樹穀	凌邦顯	夏敬聲	趙學轍	趙京錫
李培源	李 靄	張太平	吳寶書	徐息宜
顧 蕙	馮金伯	徐教展	朱叔鴻	朱叔冕
朱啟房	程善慶	程譽慶	崔 灃	顧應泰

姚元之	顧 洛	楊惟增	邱重禧	劉安邦
趙庭槐	王 標	沈榮慶	周 農	徐準宜
吳介祈	施 蘭	盧廷對	盧芬涵	張龍光
周 寅	陳河清	馮立安	葛 煒	陳多士
陳燕桂	陳禮齊	宗蔚生	顧 進	戴公望
張 深	秦紉武	薛 懷	汪湛恩	錢伯垌
趙 光	龔大夏	顧家珠	吳 瑗	劉 灝
呂光復	萬貢璆	溫 純	張 增	韓芸書
尹帝錫	錢昌言	屠 倬	徐淳健	路 宇
路 寬	戚漢廣	潘作梅	潘 輝	沈 唐

錢光黻	謝棟	周洪山	方士穎	林則徐
司馬鐘	湯瑒	王芝林	李福	顧師竹
車鳴鸞	王玉璋	黎哲	王廷選	吳元錫
余夢星	鄭昌言	徐朝獻	劉乃大	王鐸
黃筠菴	華嘉植	項初	高銓	黃鑑
郭轍	周笠	吳榮光	黃培芳	湯金釗
祈騫藻	諸忻	宋湘	包世臣	顧純熙
張騏	郭驥	張百祿	張震	計楠
計芬	顧錫疇	顧春福	吳肅	陸學欽
袁桐	梁草鉅	謝蘭生	吳嵩梁	邵聖藝

陸愚卿	陸因儀	嚴寅	馮津	陳詩庭
黃知彰	李修易	嚴宏滋	林玉鼎	席存咸
李佳言	金溥	韓階選	章于	遲熾
方庶	黃石	黃基	唐和春	周霽霖
陸楷	薛聯元	薛聯科	竇承焯	鄭國鴻
張祥河	楊天璧	段學海	朱紉	熊怡
何予之	張焯	金章	黃榮	黃廷蘭
王鑄	顧仙根	湯貽汾	郎葆辰	曹源弘
劉源	祝昌	黃考祥	徐步雲	徐鳴珂
王鼎標	俞岳	莊續澍	許慧	許遇

方象琮	邵涵初	王煥庚	陸壽昌	陸鏞
朱錫均	徐瑛	安昶	過潤	錢本選
潘斯美	徐季亨	毛大鵬	闕嵐	沈照
孔廣居	顧同根	王恪	徐承祖	陳建蕃
沈星	徐雲路	徐鳳岡	張瑩	廖雲槎
張培敦	吳觀	汪景望	魯長泰	嚴元照
錢若浩	朱烈	翁雒	莘開	黃辭
楊士昕	蔣名芳	符旌	臧錫輅	臧魯高
沈榮	顧蕙生	顧德垣	金廷標	董蠡舟
袁塘	何紹基	陳繼德	屠文林	顧麟瑞

鍾浩	周賁如	竇繼勳	杜厚	鮑桂孫
夏之鼎	任俊	黃鞠	蔣子檢	戴熙
鈕福保	惲秉怡	袁沛	王玉墀	高式亮
徐柱臣	陸雲程	過宮桂	蔣百春	朱麟書
馮霽大	改琦	曹毓芝	陳經	張琦
滕焯	徐燮	黃靖	吳德旋	楊晤
吳育	吳汝庚	汪鏞	張士保	秦炳文
毛文蓀	理昌鳳	李鼇	吳衡章	劉際辰
徐璽	龔成章	龔成玉	趙安止	趙安禮
趙之駿	王恩綬	張宜尊	李文喆	孟廣沅

金 玠	黃應元	湯 潞	路元暹	崔書黼
李錫紳	黃 鐘	金作霖	金 焜	杜鼎新
華廷黻	陳醇儒	俞 文	李 基	華季梁
許 雄	周 傑	陳本源	蔣鳳池	程庭鸞
凌欽明	范 凱	鄒安邑	龔鳴夏	倪掌書
丁芮模	張道岸	馮 澧	許 吉	徐文藻
孫元超	夏 輩	溫一貞	畢 簡	張步雲
支鳳岐	湯御龍	趙夢魁	李 羔	華國琛
賈豐綬	秦 鎮	張曾露	朱 銓	朱文曾
王 圻	袁汝霖	沈世燁	徐 樞	糜 澳

湯 蠖	儲人瓏	儲廷椿	王聲雷	吳受泰
瞿應紹	鍾 仁	厲 志	顧有毅	李翔鴻
鄒 駿	許乃普	沙神芝	繆麟書	蔣步瀛
張岳崧	鄧傳密	吳 楷	陳 樽	朱 齡
潘曾瑩	王壽康	吳廷康	平 翰	吳 咨
沈 史	談友仁	貝 點	顏 炳	程丕繼
周 浩	李彭齡	竇光勳	張維屏	朱 本
朱 璉	朱鶴年	李 育	徐雲超	任 齡
杭 潮	楊能格	徐渭仁	趙 颿	黃樂之
翁廣平	王 溥	姚 燮	倪鳴時	張 瑩

黃鶴 張朝桂 陸與喬 儲杏元 儲瑗

蔣清怡 沈惇彝 温文禾 王言鏞 徐寶誠

馬家驥 江丹 潘廷與 汪真理 王雲表

楊伯堦

孫曾瑩 王濟淵 吳其璠 平節 謝

鄭丹巖 蔣科濟 吳其璠 荆襄 宋

潘錫 蔣代哲 蔣其璠 蔣其璠 蔣其璠

蔣其璠 蔣其璠 蔣其璠 蔣其璠 蔣其璠

蔣其璠 蔣其璠 蔣其璠 蔣其璠 蔣其璠

蔣其璠 蔣其璠 蔣其璠 蔣其璠 蔣其璠

國朝書畫家筆錄卷三

無錫九峯淡士寶鎮輯

黃丹書

黃丹書字虛舟直隸順德人天資秀穎書過目不忘乾隆六十年舉於鄉應禮部試下第朝貴爭延之不就嘗曰貧與富交則損名賤與貴交則損節朱文正公撫粵時尤加器重築聽雨樓隱居養親工書善畫與其詩並稱三絕

薛玉堂

薛玉堂字又洲祖景珏四川蒼溪人由解元任知縣卜居無錫北鄉之寺頭鎮又洲少能文善書中乾隆六十年進士授中書官至

慶陽知府以疾歸載書數千卷足跡不入城市年七十九卒

王士玉樹穀 工畫

王士字子毛河南柘城人寓居商邱善花鳥竹石多用墨筆其遠族有王樹穀者字原豐號無我又號鹿公別號文外布衣工人物筆法出於陳老蓮而得其清穩一時工人物者無能出其右也

馬驥呂猶龍 工畫

江西馬驥三韓呂猶龍均善畫驥官揚州司馬工山水有元人矩度用筆細秀氣味古逸猶龍官浙江巡撫工山水得元人倪黃兩家法兼師少司農麓臺之氣韻邱壑峭峻別有意趣

李穎蘇溶 工書畫

李穎字小尹江陰人嘉慶癸酉以年老欽賜舉人能詩善書行楷俱莊重不苟學書者爭師之間畫老梅多古致同里蘇溶字安瀾生平孝友醇謹篤信小學一書善畫山水及人物花卉兼工書法

孫坤 工畫

孫坤原名之莖字慎夫號漱菴新陽人聰穎絕倫不慕榮利素工畫寫生尤入神品嘗遊西湖歸繪湖景八林木寺院不爽毫釐有富紳某延至其家出卷軸索畫欲餽當路坤詰得其故曰我豈市藝哉拂袖竟出其立品之高如此

楊燦 工畫

楊燦字蘭舟無錫人山水花卉均能刻意摹古頗得前人意趣花



卉較勝更能窮闢奧點色妍雅串插枝幹章法熨貼生動置之沓江孔彰間當不多讓也往來吳門藉筆耕以自給

翟繼昌 工畫

翟繼昌字琴峯號念祖一號墨癩大坤子本籍浙江嘉興寄居吳門畫承家學早見賞於前輩花卉古雅有致山水學吳仲圭沈石田蒼潤秀逸頗多神韻擅名譽於一時

姜壘 工畫

姜壘字曉泉號鴛鴦亭長松江人僑寓吳中長身玉立神韻灑然工寫生深得南田翁法尤擅長士女性孤介終歲杜門不出與俗寡諧而中情旖旎時寄之筆端故其畫幽淡有林下風趣

陳枚杜亮采 工畫

陳枚字殿掄松江人善人物山水花鳥得宋人法游京師入內務府供奉內廷同里有杜亮采字巖六善山水有董文敏趙文度二家法沖澹潤澤爲時所稱

張惠言莊又朔 工書

張惠言字臯文武進人少孤貧年十四卽爲童子師嘉慶四年進士經學湛深工篆書初學唐李陽冰後學漢碑頌及石鼓文時同邑有莊又朔字稗蓂培因孫學有家法工篆籀楷書

馮箕 工畫

馮箕字棲霞號子揚浙江錢塘人僑寓吳郡工詩畫學甌香館擅

長人物士女亦妙於寫生山水樹石間一爲之所居留雲山館縑素積几盡日點染走幣請乞者恒履滿戶外然不易遽得也

蔣寶齡蔣苴生

工畫

蔣寶齡字子延號霞竹昭文布衣山水專摹文氏後從錢叔美遊頗得其指授鬚秀超拔唯近師傳惟靜躁不同耳工詩著有墨林今話子苴生字仲籬山水多古致亦工寫生

陳至言章杞蘇士藻程鐸

工書

陳至言字諤士崑山布衣能詩工行草書時有章杞字午橋江陰人嘉慶己未武進士官至廣東鎮總兵嚴校閱斥苞苴復於官舍旁置塾課兵家子嘗言武士宜稍知大義不然是驅市人而戰也

平居務儉約工楷能詩恂恂有儒將風其同里蘇士藻字萬彙工書郡中三吳第一樓額其手筆也又有程鐸字振凡諸生精天文勾股篆籀之學尤工篆刻

湯溶王孝咸

工書

湯溶字紆洲宜興人嘉慶十五年舉人工詩古文兼善書同邑有王孝咸字小阮諸生幼穎悟工文章兼工小楷臨撫黃庭樂毅無不精妙得其書者以爲寶也

孫爾準楊湘

工書

孫爾準字平叔金匱人永清子嘉慶十年進士授編修官至浙閩總督謚文靖性平恕學問淹貫善詩詞兼工書法筆意似趙文敏

居官有聲所至必咨訪疾苦治匪盜尤能寬猛相濟時同里有楊湘字春帆者心貌古樸能作擘窠書迥逸豪邁

戴鑑 工畫

戴鑑字石坪號賦軒山東濟甯人少穎異耽詩嗜畫不喜帖括一應童子試輒棄去游吳越晉豫間徧覽江山之勝歸後詩畫益進出入於沙彌白石之間筆意磊落邱壑蒼老頗有學力

張鏐 工書畫

張鏐字老薑號子貞江東布衣少孤母命習賈十八歲專心學詩遂成名通篆隸工鐵筆善山水多小品有鄂綠仙館圖一卷筆意古秀多參篆法非丹青家所及

丁敬 工書

丁敬字敬身號龍泓山人浙江錢塘人舉鴻博不就隱市廛喜酒好金石文字穹崖絕壑手自摹搨證以志傳工分隸精篆刻然非性命之契不能得一字也著有武林金石錄龍泓山館詩鈔

李兆洛 李願 工書

李兆洛字申耆武進人資稟超異力學嗜古嘉慶十年成進士選庶吉士改官安徽鳳臺知縣工詩古文兼善書法精考證著書甚富尤精輿地之學所繪歷代輿地沿革圖及地理韻編頗詳核所製天球及運球之法與古儀器合而精巧過之罷官後主講暨陽書院成就人才甚眾子願字慰望工篆書

黃勳高雲麓章烜 工畫

黃勳字又癡江陰人性傲嗜酒畫山水規黃公望尤工棧道行驢醉則益神其技其徒高雲麓亦善棧驢同邑章烜字蘭渚性灑落愛交游平生吟詩作畫以筆墨自怡無間寒暑蘭竹尤名重一時

孫兆蕙邵湘永 工畫

孫兆蕙字笠江崑山人銓子官雲南知縣有政聲工繪事著有續花譜時有邵湘永宜興人善畫山水人物花鳥論者比之陳道復陸叔平然湘永未嘗求知於人故名不越州邑

廉志勳寶廷樸 工書

廉志勳字雲階金匱人嘉慶癸酉拔貢戊寅順天舉人官至兵部

郎中性端謹處事詳審嘗館大學士英和家甚見器重無一言及私工小楷時同里寶廷樸字璋士道光壬午歲貢工詩文書學圭峯碑玄祕塔筆意勁挺

杜首昌毛恆 工書

杜首昌字湘草淮安人世以貲雒里中篤嗜書史不計生業家爲之耗工詩詞善草書著有杜稿編年數十卷同里有毛恆字冀符號立峯才識英特而恬於進取日以文史自娛閭巷蕭然工行楷尤善隸書姿韻流逸年七十九無疾而終

沈宗騫 工書畫

沈宗騫字熙遠號芥舟又號研灣老圃浙江烏程諸生以詩書畫

為生涯老屋數椽嘯歌自得書法二王畫兼山水人物刻意入古  
功力甚深著有芥舟學畫編痛斥俗學詳論正法足為畫家指南  
生平合作有漢宮春曉萬竿煙雨二圖為賞鑒家所重

龔鏜 工書

龔鏜字聲甫陽湖人嘉慶十四年進士由編修轉御史仕至內閣  
學士居官以清節聞五歲時父口授史事輒知感發比長篤學工  
文善小楷筆意似趙文敏

姜奮渭 工書

姜奮渭字騰上浙江遂安人性嗜學為諸生有聲嘗焚膏繼晷  
斲窮年發為文章理醇辭粹詩宗王孟著有拙存草兼工書法楷

隸草篆各擅其勝

齊彥槐 工書

齊彥槐號梅麓安徽婺源人嘉慶己巳進士由庶吉士改授江蘇  
金匱縣知縣有才華嘗以歲饑行圖賑法書學米董得其神趣著  
有文集

郭尚先吳諤 工書畫

郭尚先字蘭石福建莆田人嘉慶己巳進士由編修官至大理寺  
卿善書摹倣華亭工夫老到兼工蘭竹特有吳諤字少摹宜興人  
古文以歸熙甫為宗詩學晚唐書畫亦入能品

祝應璣謝炎施遇巒 工書

祝應璣字貳璇江陰廩貢生遊庠時縣郡院試俱第一博學工詩文兼通六書學善籀篆書事親孝爲人師以身作則及門率多循謹士時有謝炎字蒙溪宜興諸生規言矩行翔步合禮遇人無少長貴賤常自謙抑善行楷書宗法歐陽率更時時觀摩雖老不倦又有施遇鑾字金門號筠莊浙江孝豐諸生詩學太白文宗眉山精天象默繪躔度書法古勁尤工篆刻

文命時何其仁 工畫

文命時何其仁均善畫蘭命時江都人工墨蘭以瘦筆乾墨運以中鋒秀勁拔俗花蕊疏朗別具神韻展玩時令人有世外之思其仁字元長浙江海鹽人由明經官至州牧善墨蘭信手揮灑花葉

恣肆有縱橫之趣少清秀之風然名重於時爲學者所宗

陳一道 工畫

陳一道字念曾湖廣人以進士授河南令坐催科誣謫巖州照磨才品優長操履端潔杭嚴道范印心極重之然絕無干請惟詩酒卉木自娛畫精蘭竹人珍之如夏仲昭

嵇承濂 工書

嵇承濂字蓮叔無錫人相國文恭公季子國子生工行草書人得其片紙爭寶之性耿介高尚其志取與不苟嘗鬻宅於某某致二十緡爲遷移香火勃然怒曰我獨不能自祭致我祖父歆他族之祀耶擲還之卒年七十六

劉澤劉岱松劉古歡 工畫

劉澤字友宗常州人善畫墨梅老幹疏花生動有致自號雲溪居士子岱松字勁齋又字五峯工墨梅草蟲醉後揮翰瀟灑脫俗題詩有天趣年八十餘卒孫古歡亦工草蟲年九十餘卒

顧于觀陸驂陸坤 工書

顧于觀字萬峰興化人性嗜古不屑攻舉子業書出入魏晉同邑陸驂字白義一字左軒諸生善書楷法率更行摹山谷尤精狂草有龍蛇天矯之勢兼工文子坤亦能作懷素體

錢泳 工書

錢泳字梅溪金匱人國子生能詩工分隸行楷客京師為成邸所

知詒晉齋帖皆泳刊定手書碑版幾遍浙江又所摹漢唐碑及縮臨本刻石傳世者尤多嘗倡修錢塘武肅王後諸王祠墓及表忠觀輯鐵券金塗塔考年八十六卒

趙之琛 工書

趙之琛字次閑浙江錢塘人精心嗜古邃金石之學篆刻得其鄉陳秋堂傳能盡各家所長兼工隸法善行楷山水師子久雲林以蕭疏幽淡為宗亦足媲美鐵生

江聲 工書

江聲字叔溇晚號良庭吳縣人性耿介不慕榮利嘉慶元年舉孝廉方正精於小學以許叔重說文解字為宗說文所無之字必求

假借之字以代之終日研究經學凡經文注疏皆以古篆書之生平不作楷書筆札亦皆用古篆俗儒非笑之不顧也

過鳴岡高秉鈞 工書

過鳴岡字正鏗號石天吾邑北鄉八士橋人家故有貫邑城北普濟堂鳴岡獨力成之喜賓客工詩文善晉唐小楷兼工擘窠大字運筆飛舞有飄飄欲仙之概時同邑高秉鈞字錦庭工醫求治者應手輒愈著有塲科心得集喜臨摹魯公爭座帖能得神趣

陳鴻壽 工書畫

陳鴻壽字彛生浙江錢塘人嘉慶六年拔貢爲淮安同知詩文書畫皆以資勝篆刻追秦漢浙中人悉宗法之入分書尤簡古超逸

脫盡恒蹊畫亦無時史習氣隨意揮灑雖不能追蹤古人而一種

瀟灑不羣之概自足令人寶翫不置

黃均 工書畫

黃均字穀原元和人書法趙松雪山水取法婁東出色之作堪與王巽公並駕用筆用墨蒼楚有致所做北宗未臻妙境中年辭官賣畫怡然自得

朱昂之 工書畫

朱昂之字青立武進人僑居吳門工書善畫均極超逸爲時人稱重其畫筆意勁峭脫盡恒蹊中年臨古之作有筆有墨深得古人神髓晚年隨筆揮灑未免失之尖薄耳



顧臯

工書畫

顧臯字晴芬號緘石金匱人嘉慶六年進士一甲第一名授修撰累掌文衡官至戶部左侍郎引疾歸先生天性和易居官清介宦歸閉戶蕭然當道罕見其面詩文高雅工書法善蘭竹筆墨有瀟灑出塵之概

夏柔嘉夏之成

工畫

夏柔嘉字甫德江陰廩貢生博學工詩文間寫蘭竹花鳥筆意超妙為人豪宕清介落落遠俗巖取與不妄交游著有師竹軒集子之成字伯田諸生工詩古文辭兼通星學王遁諸書亦善蘭竹

程恩澤

工書

程恩澤字雲芬一字梅春號春海安徽歙縣人嘉慶十六年進士授編修官至戶部侍郎幼穎異毀齒經傳悉成誦好讀古書能剖析疑義既長學識超時俗六藝九流皆深思而得其意工篆法精熟許氏學行草亦佳詩文雄深博雅於金石書畫考訂尤精審喜撰述著有國策地名考二十卷

汪坤裳吳上翰吳金戴樹穀

工書

汪坤裳字原杜宜興諸生為人誠慤於友誼尤篤摯好臨摹古法書購得王右軍定武蘭亭真本時時摹之同邑吳上翰字衛寶一字蓉庭諸生少喜學書得趙文敏法族弟金字佩華幼即工書以蔡君謨為宗得其怡和之致又有戴樹穀者書名與上翰相埒擅

長草書自比張長史因號曰傲顛

凌邦顯夏敬聲

工書畫

凌邦顯字大寒浙江烏程諸生所至覽勝行吟喜畫山水尤工書法得晉人態度時有夏敬聲字大夏江陰監生書規趙孟頫畫傲暉壽平兼工鐵筆秀媚可愛性雅潔遇俗士則拂然不顧

趙學轍趙京錫李培源

工書

趙學轍字季由常州人嘉慶四年進士官浙江湖州知府氣格超雋善書子京錫官直隸靈壽知縣亦工書專學歐陽率更體秀勁畢肖有李培源字道園一字蕙畝者興化人貢生任霍山訓導工書力追顏平原鐫印章亦精妙

李靄張太平

工書畫

李靄字庚雲徐州銅山人少好學工書畫以州同知効力河工盡心隄防著有成績知堂邑縣民懷其惠同時蕭縣人張太平字拱宸隱居綏輿山善詩歌工書畫

吳寶書徐惠宣

工書

吳寶書字松厓號籀仙無錫國子生逸泉孫少游隨園夢樓兩先生門工詩詞駢體畫繩祖武士女尤擅長丰神秀朗極盡閨閣窈窕之態不輕示人晚年好寫墨梅細竹深自矜重著有桐華樓詩詞稿時有徐惠宣字耐村興化人工畫有雅行嘗北游名動京師

顧蒞

工書畫

顧純字南雅長洲人嘉慶七年進士官通政司副使工詩古文敢言自任人以君子稱之書法歐虞隸宗秦漢又工墨蘭筆意遒勁古雅著秀渾脫風晴雨露各具體態頗極自然

馮金伯

工書畫

馮金伯字墨香號冶堂南滙人官廣文工詩古文詞書法米襄陽畫宗董北苑巨然及梅道人又與諸名士往還討論業遂益進刻國朝畫識墨香居畫識兩種實有功於藝苑不淺

徐教展

工畫

徐教展字次雲荆溪人嘗從其族子某學繪事纔一落筆生氣盎然其異之後讀書南礪山房從日光月影中翫林木偃仰交加勢

恆夜分不寐遇花時則自含苞放蕊以及臨風浥露向背偏反之致皆寓於目而寫於心聞時鳥變聲蔽身竹樹間一一諦視其飛鳴宿食態調鉛和墨觸緒旁通凡三月而藝大進某大駭曰子畫成矣子所畫皆花鳥之精神魂魄也自後遍訪元明以來古人真蹟臨摹殆遍乃出游晉秦豫楚及嶺南所至並有聲譽

朱叔鴻朱叔鳧朱啟房

工書

朱叔鴻字弋青一字幼度新陽歲貢生學識甚邃肆力爲古文詞工行楷書片紙隻字人爭以爲寶弟叔鳧字次山諸生善漢隸早卒叔鴻子啟房字恪孫諸生爲人清介有守不取非義財性伉直人有過輒面斥之少習柳誠懸書法風骨遒勁比長自晉迄明碑

帖靡不臨摹尤愛本朝汪士鋐書稱其善用退筆渾藏其鋒而秀在骨每仿之惟妙惟肖求書者填門焉

程善慶程譽慶崔灃 工書

程善慶字蓮園徐州銅山歲貢生書法顏魯公爲時所重弟譽慶字吉元由廩生應順天試取膾錄官福建州判亦以能書名同邑崔灃諸生操行謹飭工詩善書

顧應泰 工書畫

顧應泰字雲鶴號芸蓐金匱諸生困於場屋潦倒終身能詩書法得褚河南神韻冷逸之趣油然於筆墨外尤善畫擅長人物倣李龍眠白描縝密工雅冷淡蕭疏脫盡畫家習少與顧臯善及臯宦

歸屢造訪而應泰未嘗一至其第有貴客挾貲求其畫卻之

姚元之 工書畫

姚元之字伯昂號鳶青又號竹葉亭生安徽桐城人嘉慶十年進士官總憲工書法篆隸行草均佳深得趙承旨神髓兼工畫人物花卉果品各種均不襲前人窠臼別具機杼妙在不經意處尤得生趣由其天分勝也

顧洛 工畫

顧洛字西梅浙江錢塘諸生工人物古雅清超山水樹石蒼潤多姿士女精細妍雅脂粉習洗滌殆盡極有功力翎毛花卉亦極生動盡致不染纖塵

楊惟增邱重禧劉安邦 工書

楊惟增字孟能山陽拔貢生官豐縣教諭少負異才詩詞華贍兼工書法同里邱重禧字清才書法冠一時又有劉安邦者工行書師米襄陽得其神

趙庭槐 工書

趙庭槐字植三直隸順天廩生性介直兀鼻雄傑文采迅發工書體格雄秀名逸出蘇米二家嘉慶間以書游淮海間遂卜居於山陽縣晚年書名益著

王標 工書

王標字滙東號立齋浙江歸安人仁籍諸生績學能文勤於著

述詩多雄深雅健之作兼善書屢為名流鑒賞著有周禮集說閒燕齋詩鈔等集

沈榮慶周農 工畫

沈榮慶一名宸號商賢浙江烏程廩生詩學孟郊盧仝畫在大癡山樵間蒼茫荒率無一筆涉畫史習其同郡有周農字稻孫號七橋畫梅似金農作小詩亦似之

徐準宜吳介祈 工書

徐準宜字仲平武進人舉人官順天府糧馬通判博學多識通天文地理及九章算法工書涉歷魏晉唐宋諸家而於趙孟頫書尤精研有得刻寶雪齋帖吳介祈字希三宜與人嘉慶己卯舉人官

合肥訓導工書翰尤精李陽冰篆法

施蘭 工書

施蘭字芝泉無錫國子生嘉慶中客總督百齡所嘗從往徐州防堵教匪將保薦力辭蘭工書值萬壽節巡撫陳桂生上其所書無量壽佛經得旨有神似趙孟頫之褒晚寓蘇州賣字以終

盧廷對盧芬涵張龍光周寅 工書

盧廷對字廣揚淮安人監生與兄芬涵俱以能書稱兄先歿廷對益自專精晝夜坐一小樓臨檯積三寒暑遂豁然有得人謂其弱不勝衣而筆乃轉干鈞之弩同里有張龍光書宗顏平原頗秀潤又有周寅習蔡襄書能為方丈字

陳河清馮立安 工書畫

陳河清字頌平武進人少孤貧博習藝事篆隸行草及圖章俱著古有法繪花鳥生氣迥出尤工墨蘭同里馮立安字西喬性澹遠善楷書兼工墨竹

葛煒陳多士陳燕桂陳禮齊 工書

葛煒字又良無錫人年十四侍母疾衣不解帶者半載精繪事資以養母及弟時有陳多士字卿武興化人恩貢生弟燕桂字蕃圃庠生皆能詩及寫山水子禮齊字簡夫恩貢生能文兼繪人物

宗蔚生顧進 工書

宗蔚生字右華一字思堂興化人篤行力學剛正不阿晚年不遇

益肆力著述工書有大令風同里顧進字彥湘廩生文有奇氣兼善詩行書亦工

戴公望

工書畫

戴公望字貞石浙江嘉善人官江蘇藩掾生平酷好南田書畫凡遇佳跡無不善價收藏海內藏暉之家均莫能及並摹刻南田遺翰曰寶暉室帖爲世珍重其書畫盡摹南田山水花卉蘭竹偶一點筆靡不超雋森秀

張深

工書

張深字茶農丹徒人寶厓子畫傳家學寫花卉氣韻靜穆得宋人意趣嘉慶十五年解元入都館藩邸十餘年畫名益著偶獲前人

妙蹟必臨做數四得其神髓而止故所作無不深厚入古後官廣東大埔知縣

秦緗武

工書

秦緗武字省吾無錫人侍郎瀛子少能文善擘窠書以國子生歷任江西知縣蒞彭澤者再彭澤多豪猾難治先生杜請謁精聽斷吏莫能爲奸數平反冤獄他邑有疑案輒委決焉

薛懷汪湛恩

工書畫

薛懷字季思邊壽民之甥也桃源監生僑居山陽爲人平實和易以誠信見重遠近上自搢紳當道下逮牧監莫不知有薛先生工畫有舅氏家法並及花卉小品清遠絕俗書法亦得之舅氏晚舉

孝廉方正年八十七卒時有汪湛恩原名炳無錫人以書畫名

錢伯垌 工書

錢伯垌字魯斯武進人少孤貧事繼母孝好學工詩文尤善書雄健豪放似唐李邕以品行高遠見重於時年老里居近僕射山自號僕射山樵

趙光龔大夏顧家珠吳瑗 工書

趙光龔字蓉舫雲南昆明人嘉慶庚辰編修官至尙書謚文端工書筆意凝鍊圓潤同時吾邑廩貢生龔大夏字聲和號小槎書法端莊流麗工詩著有雞肋編詩彙諸生顧家珠亦善書又有吳瑗字雲侍能詩工書

劉灝 工畫

劉灝字粹甫常州人由軍功官湖南通判工繪事晚年苦手顫右手握管則以左手自按其腕而所畫山水蒼勁有神花卉娟秀歷久絹素如濕

呂光復萬貢璆 工書畫

呂光復字丙純武進舉人官內閣中書以詩文書畫負重名性和平坦蕩即奇窘不見戚容時有萬貢璆字香巢宜興人少與涇縣包世臣同郡李兆洛相引重性伉爽喜任事邑有善舉咸推董理工書畫蒼樸有韻

溫純 工書畫



溫純字一齋號春湄浙江烏程人廩貢生官處州府學訓導工詩善書畫詩宗白陸書法臨摹晉唐諸家尤工篆刻所居曰墨妙樓藏名人墨蹟頗富著書數十卷

張增 工畫

張增字增山號素石道人高郵州監生考職州同知客淮久遂家焉工畫山水法黃子久凡所著墨必確有其地不喜為世態酬應之作晚貧益甚不輕為人作畫性嗜弈有覲其畫者故與賭奕奕負償以畫則欣然命筆論者謂增並得子久之癡云年八十餘卒

韓芸書尹帝錫 工書

韓芸書字芳南號借綠無錫人雲俊弟善書法臨摹顏魯公爭坐

帖無間寒暑深得其神骨時有尹帝錫字暉吉荆溪人工書筆意似歐陽率更

錢昌言 工書畫

錢昌言字岱雨浙江秀水人擢石侍郎孫畫繩祖武善蘭竹花卉尤工放佚之筆隨意點染如寫草書極淋漓瀟灑之致題句書法皆臻妙境以微職遠官蜀中故筆墨不多見

屠倬 工書畫

屠倬字琴塢浙江錢塘人嘉慶六年進士官至江西知府有善政民歌眾母能書工詩金石篆刻悉深造山水規模董米墨氣濃厚秀潤有瀟灑出塵之致

徐淳健路字路寬戚漢廣 工書

徐淳健字師蘭宜與人幼聰慧讀書善悟以多病不事舉業惟究心詩古文詞追踪唐宋尤善書法同邑路字字在寰精書法兼工鐵筆得秦漢意識者寶之兄寬字興瞻善草書筆意似李北海時有戚漢廣字滄亭江陰諸生工文善書筆力遒勁

潘作梅潘輝 工書畫

潘作梅字肖梅號戒平浙江安吉拔貢生官海甯訓導博學多藝敦內行士經陶鑄皆成大器精書法似張伯雨又工山水得雲林逸致子輝字熙庭號敬齋亦拔貢生官樂清訓導性磊落有大度辭章瑰麗書學顏歐兼工山水好遊在樂清八年每裹糧游雁宕

經旬忘返

沈唐 工畫

沈唐字樹堂號蓮舟浙江錢塘人國子生得指授於奚鐵生山水筆致蒼潤氣體清逸乾筆皴擦鈎勒懸秀樹石佈置亦極瀟灑超脫頗有婁東遺韻

錢光黻謝棟周洪山 工畫

錢光黻字士亨宜興人官上元教諭性耿介有文名善畫龍別有妙悟不出師授同邑有諸生謝棟自祖父以來世傳畫龍法並稱擅場又有周洪山工人物筆法老到寫真尤能逼肖其神

方士穎 工書

國朝書畫家筆錄 卷二  
方士穎字伯陽浙江淳安人少聰穎甫就外傳卽學爲詩年十一就試歸艾檢其行篋得詩一章中有句云野渡舟難覓沙汀客屢呼乃授以杜詩一帙於是益力於詩尤善楷法賞其詩者并其書以爲雙絕著有偶存詩六卷駢麗雜文三卷

林則徐 工書

林則徐字元撫一字少穆晚號滄村老人福建侯官人幼警敏長不滿六尺英光四射聲如洪鐘嘉慶十六年進士旋授編修累官至總督卒諡文忠服官江南最久以吳民苦賦重講求漕務不遺餘力於政事無不盡心而其尤關天下之治亂者則以辦夷務勦奧寇禁鴉片烟爲最鉅時方以西洋爲憂公獨曰此易舉耳終爲

中國患者其俄羅斯乎稍暇則以筆墨自娛詩宗白傅書具體歐陽在伊犁時遠近爭寶其翰墨不數月楸一空而公之手蹟徧冰天雪海中矣

司馬鐘 工畫

司馬鐘字繡谷上元人官直州判擅長寫意花木及翎毛走獸兼善山水性傲嗜酒落拓酒酣一夕可了數幀尋丈巨幅頃刻而就墨瀋淋漓酒氣勃勃如從十指間出往來京師名益重

湯瑒 工畫

湯瑒字孟陽新陽諸生少從徐傳詩遊詩筆超雋最工寫生所作翎毛草蟲點染生動意趣融愜性嗜飲而操行特堅非意之所屬

夷然不屑也

王芝林 工書

王芝林字人月金匱人嘉慶癸酉拔貢生以親老不赴廷試工詩古文詞著有紅棠閣集善書兼精八分小篆吾邑文廟僧舞久廢先生於道光八年倡興之購置樂器與諸生童討論肄習他邑亦聞風踵行

李福 工書

李福號子僊吳縣人嘉慶庚午舉人自幼能文名噪士林工詞章尤精書法晉唐名碑臨摹靡不神肖僑寓崑山拱玉樓求書箋幅積案如山時與邑中李光祿存厚王監簿學浩飲酒聯吟

顧師竹字車鳴鸞 工書

顧師竹字倚山江陰人嘉慶丁卯舉人銓太平訓導截取知縣不赴主講仙源書院品行峻潔楷式士林工書博古著有諸史武備考等書同邑車鳴鸞字去非書子諸生書法紹其家傳雅有典則

王玉璋 工畫

王玉璋字鶴舟別號松巢外史直隸天津人官秋曹出守雷州調署瓊州罷後僑寓吳門熟習騎射妙解音律豪情逸氣往往於酒後發之而六法尤為擅長遠宗北苑近法麓臺

黎哲王廷選吳元錫 工畫

黎哲字魯山興化人庠生善繪花鳥竹木得舅氏李復堂水墨真

國朝書畫家集 卷二  
訣後自出杆袖多禿筆蒼勁簡古意致迥別時有王廷選字一鶴  
江陰武生善墨竹筆底瀟灑具有煙雲逸致爲人亦落拓不羈又  
有吳元錫字果生崑山諸生力學敦行兼工畫得元四大家筆意

余夢星鄭昌言徐朝獻 工書

余夢星字西巖崑山歲貢生應省試四薦不售乃棄舉業攻詩古  
文詞作行草書圓勁古樸有鄭昌言字俞齋者興化廩生爲人和  
平樂易書酷似香光同邑徐朝獻字幹之善草書

劉乃大王鐙黃筠菴 工畫

劉乃大字有容山陽人知郟縣遷忠州牧以征苗軍功陞成都府  
善山水率筆圓勁豪邁自喜時有王鐙字魯公太康人性聰敏多

藝能好畫人物士女沉穠而雅雋其賦色一本諸宋人時史莫及  
也又有黃筠菴不知何地人畫石頗有名以淡墨作瘦石不用渲  
染而凸凹自具

華嘉植項初 工書

華嘉植字少坪金匱人廩貢生應署新陽震澤訓導爲人廉靜長  
者族人湛恩著錫金志外多與嘉植商確工書法年八十一卒同  
時有項初字容初一字函江者浙江烏程監生以善書名

高銓 工書畫

高銓字文衡號蘋洲浙江歸安人嘉慶時貢生官壽昌訓導未久  
即乞歸人品高潔淡於榮利收藏書畫甲於苕溪工楷法善墨竹

居蓮花莊之東榜曰五畝之宅掃地焚香嘯詠自得

黃鑑郭轍 工書

黃鑑字耀寰長洲人嗜篆隸初學陸紹曾後入京師識翁學士方綱筆法一變居京師二十年名著公卿間同邑郭轍字季蘇書學顏平原有秋聲館帖行世兵燹後石多散失其門下士浙人宓某取所藏遺墨刊石流傳名曰傳琴堂法書

周笠 工畫

周笠字雲巖號韻蘭外史吳人初工寫真中歲棄去山水淡遠秀潤花草賦色妍雅得甌香館神趣平生意氣豪華襟韻灑脫或縱酒高談或翰墨交作其僦儻之致可想見矣

吳榮光黃培芳 工書畫

吳榮光字伯榮號荷屋廣東南海人嘉慶己未翰林官湖南巡撫書由率更而詣眉山畫宗仲圭精鑑金石著吾學錄綠伽楠館諸集其同郡有香山人黃培芳字子實號香石者嘉慶甲子副貢官教諭書法右軍山水宗王孟端亦有名於時

湯金釗祁雋藻 工書

湯金釗字敦甫浙江蕭山人嘉慶己未進士授編修官大學士謚文端書法魯公兼承旨晚帶隸意著寸心知室詩文稿祁雋藻字叔穎一字實甫號春圃山西壽陽人嘉慶甲戌進士授編修官體仁閣大學士卒年七十四謚文端幼而岐嶷性至孝篤苦於學研

精經史縱覽諸子百家蔚為一代儒宗兼工書筆意娟秀可愛

諸斫 工畫

諸斫字春巖號歿齋浙江錢塘人少家貧未能肆志乃棄儒學畫從張秋谷游究心六法深得其奧花卉秀逸人物超脫有南田新羅神趣與兄奇峯同游淮揚名噪一時

宋湘包世臣 工書

宋湘字煥襄號芷灣廣東嘉應人嘉慶己未翰林官湖北糧道書由二王泛濫各家時有包世臣字誠伯號脊伯晚號倦翁安徽涇縣舉人鄧石如弟子工行草書有國朝書品分九等凡一百七人

顧純熙張騏郭驥 工畫

顧純熙字湘筠吳縣人家富收藏時臨摹工花卉翎毛同邑張騏字伯治號寶厓一號金粟山人山水人物花卉俱精微縝密雅秀動人郭驥字友三蔣敬弟子工畫善寫老木荒溪之屬

張百祿張震計楠計芬顧錫疇顧春福 工畫

張百祿字傳山直隸滄州人賜甯子官江西安豐巡檢工花鳥出自家傳子震字春鸞亦工畫時有計楠字壽喬號隅老浙江秀水人歲貢生官吉安教諭工草蟲寫梅時稱計紅梅著一隅草堂集子芬原名煒字擔石號小隅傳其法又有顧錫疇字約齋崑山人摹古入妙古肆見有仿耕煙設色山水立幀頗能肖似子春福字夢薌改琦弟子時稱入室筆意娟雅合古法

吳薰陸學欽袁桐 工書畫

吳薰字及之一字山尊號抑菴又號南禺山樵安徽全椒人嘉慶  
己未翰林官侍講學士書饒逸致作畫筆意雅秀工駢體文著夕  
葵書屋集有陸學欽者字敦書鎮洋人嘉慶庚申舉人書法蘇米  
畫宗奉常兼能寫梅又有袁桐字琴甫號琴圃一號琴南又號琴  
居士浙江錢塘人枚族子官直隸河工通判工小楷篆隸花卉

梁章鉅謝蘭生吳嵩梁 工書

梁章鉅謝蘭生吳嵩梁俱有書名章鉅字荏林號荏鄰晚號退庵  
福建長樂人嘉慶壬戌翰林官江蘇巡撫書兼歐董工詩著藤花  
吟館詩鈔一思堂叢書樞垣記略蘭生字佩士號澧浦廣東南海

人亦壬戌翰林書法大令嵩梁字子山號蘭雪江西東鄉人嘉慶

庚申舉人官貴州黔西知州書法蘇米詩名冠當代

邵聖藝陸愚卿陸因儀 工畫

邵聖藝字仲遊一字貢父號雲巢常熟人山水宗思翁雅秀流溢  
絹素間時有陸愚卿字願吾號魯亭晚號息游太倉人精鑑賞富  
收藏畫筆幽秀子因儀字素庵號小湖散人花卉學南田

嚴寅馮津 工書畫

嚴寅馮津並以書畫名寅字介堂號同甫晚號菊隱山人長洲人  
善吟詠工篆書山水宗文沈兩家津字雲槎浙江桐鄉人官雲南  
劍川知州工書畫精鑑賞富收藏著論畫編畫家姓氏便覽



陳詩庭黃知彰李修易 工畫

陳詩庭黃知彰李修易一時之精六法者詩庭字書生號妙士嘉定人嘉慶己未進士授知縣不就山水宗婁江有詩文集知彰字貫芬號秋圃南匯人工山水好古精鑑著煙霞閣集百幅庵畫寄修易字乾齋號子健浙江海鹽人山水花卉俱合古法

巖宏滋林玉鼎席存咸 工書畫

巖宏滋字丕緒江陰監生善書畫聖駕兩次南巡恭獻畫冊恩賞緞匹林玉鼎字心香無錫諸生工書善畫卒年八十餘席存咸字受五新陽諸生善行楷書尤工隸體間作山水亦秀逸有致

李佳言金得 工書

李佳言字謹之興化人能詩詞善楷書弱冠游京師董文恭公招入第奏疏尺牘半出其手金溥字韓城常州諸生書法蒼勁善醫註仲景傷寒論藏於家嘗以醫金易鄰村木橋以石至今賴之

韓階選章于遲熾 工畫

韓階選字紉之號金鰲無錫人能文工繪事同邑章于居邑西郊之梓樹巷故自號梓村善畫猴時有福建建陽人遲熾者善花鳥草蟲細鈎淡染清蒨而加婉約小幅及冊頁最佳官至知府

方庶 工畫

方庶字以蕃號硯樵浙江遂安人性端雅恬淡志尙肥遯不求仕進惟優游於山林泉石之間頗嗜學工詩文尤善畫著有硯樵前

後集行於世

黃石黃基

工書

黃石字公石浙江烏程人府學生自幼喜弄筆翰寫蘭竹師吳仲圭著有詩彙從孫基號蓮溪工牡丹純用水墨鈎染而生氣逸出別具姿致

唐和春周霈霖陸楷

工畫

唐和春字景柳新陽人從太倉陸雲錦學寫生蟲魚花鳥栩栩豪素間識者謂能得元人秘奧時有周霈霖號雨舫浙江烏程人善山水同里陸楷字正之號梅圃畫與莘開齊名

薛聯元薛聯科

工書

薛聯元字穉曾一字琴谿興化歲貢生詩文書翰兼擅其妙家貧課徒邑中士半出門牆兄聯科字鄂樓性沈靜詩文噪一時字法孫過庭書譜與弟齊名士林推二薛

竇承焯

工書

先大父俊三公諱承焯金匱恩貢生候選直隸州州判少孤篤行嗜學於書無所不讀事理無不明達邑中有大工役經其擘畫咄嗟立辦疏食布衣自奉節儉而於古帖及名人書畫則收藏甚富工書法深得顏蘇兩家三昧晚年更精草書翰墨酬應無間寒暑輒喜書格言咸豐庚申髮逆下竄襄辦團練死難

鄭國鴻

工書

鄭國鴻字雪堂湖南鳳凰廳人由雲騎尉世職官至浙江處州鎮  
總兵所至皆能舉其職逾年以力戰死事謚忠節公優於文學工  
書好窮經著有詩經疏義行於世

張祥河 工畫

張祥河字詩舫婁縣人嘉慶二十五年進士官至河道總督工詩  
詞通籍後畫名著公卿間皆欲得其一幀爲几席之玩山水私淑  
文氏寫意花卉力追青藤白陽筆頗健舉

楊天璧段學海 工畫

楊天璧字繡亭號宿庭上元諸生山水花卉竹石清麗秀潤涉筆  
輒佳詩文亦工同里有段學海字文波畫山水士女頗有意趣亦

能花卉流寓大梁極有名譽

朱紉熊怡何予之張焯金章黃榮 工畫

朱紉字亦僑號南郭農又號礪南叟山陽諸生精繪事尤以畫牛  
著稱家貧賣畫自給同邑熊怡字棣華號北溪工畫牛及大小米  
山水又有何予之字在都張焯字篋谷工蘭竹金章字玉立工花  
卉黃榮字葉村工山水並有名於時

黃廷蘭王鑄顧仙根 工書

黃廷蘭字畹九號馥齋浙江烏程人八歲能書大字長工篆隸求  
書者無不立應索潤糊口不計多寡同邑王鑄原名勇字蘊成號  
雪浦嗜金石能詩工篆隸時有顧仙根字藕怡興化諸生風神清

雅爲文挾經之髓書法晉唐於詩尤邃冲澹古樸名噪江淮間

湯貽汾 工畫

湯貽汾字雨生武進人以父殉難臺灣襲雲騎尉世職官至浙江樂清協副將乞歸寓居金陵葺精舍焚香鼓琴翛然出塵外海內名宿多與之游工詩善畫山水花卉松梅均簡淡超脫極有神韻咸豐三年粵匪攻陷金陵從容賦絕命詩一章曳杖赴舍旁李氏池死年七十八矣事聞上以其三世死事特命優卹賜諡貞愍

郎葆辰 工書畫

郎葆辰字蘇門浙江安吉人嘉慶二十二年進士授編修轉御史官至貴州糧儲道其官諫院時疏請開濬太湖漚港并疏劄德清

冤獄民受其惠在貴州課民種桑織布創養育院所至以教養爲急有郎佛之稱歸里後日與山人墨客爲文酒之會性好風雅工詩善書畫超縱生辣別具旨趣畫蟹尤長時稱郎蟹畫必有詩悉寓深意著有桃花山館詩集

曹源弘劉源祝昌 工畫

曹源弘劉源祝昌俱以丹青名源弘字天來號甫田浙江嘉善人工花鳥好合寫天竹水仙名天仙圖源字伴阮河南祥符人善山水人物超邁古健有奇氣寫意花草及墨龍悉佳昌字山嘲安徽廣德人山水學浙派後擴於元季諸家性孤介或遇之不以禮雖餅金購尺幅不許也

黃考祥徐步雲徐鳴珂 工書

黃考祥字履上一字纘亭興化人由貢生任金山訓導生平無疾  
言遽色而操守介然書仿華亭詩和平恬澹如其人同邑徐步雲  
字蒸遠號禮華由舉人授內閣中書幼機警善詩古文書尤精妙  
楷似樂毅論行似聖教序子鳴珂字竹薌八歲卽爲孽窠書辭賦  
詩文楷法皆有父風

王鼎標 工畫

王鼎標字春苑金匱諸生擅長人物士女筆致古雅無甜俗氣樹  
石蒼潤獨饒秀韻得顧雲鶴之傳另開門徑向見其奏樂圖士女  
六七八妝飾淡素器具精工筆意清超勁逸性極古僻所作扇頭

畫幅概不署款每倩契友中之善書者代書之

俞岳 工畫

俞岳字少甫號子駿震澤人古文宗歸震川嘗精校太僕集葺室  
藏之顏曰歸廬誌嚮往焉工詩性嗜山水因習六法於王椒畦功  
力深邃氣體渾厚惟局於畦徑未能變化從心居吳江北郭宅中  
花石森秀頗有高致

莊纘澍 工書

莊纘澍字玉繁常州諸生承家學通律歷兼工隸書著有太初歷  
考證性樂易嗜酒未嘗以所能傲人咸豐十年粵賊陷常州年已  
七十八端坐罵賊被戕

許慧許遇 工畫

許慧許遇皆工畫慧字念因號笑仙浙江秀水人業醫善寫意花草每寫長草葉好作一轉若結者頗有別致點綴草蟲亦生動遇字不棄福建侯官人官知縣善畫松石其祖父皆以畫松石名不棄尤勝所畫多巨障

方象琮 工書

方象琮字玉宗浙江嚴州人孝友端方弱冠卽蜚聲庠序爲文力闢時趨詭異獨宗先輩雅正迨貢成均廷試列第二有沁園偶吟行世書法倣鍾王人得尺幅如拱壁焉

邵涵初王煥庚 工書

邵涵初字吟泉無錫人道光乙酉拔貢官阜甯訓導擢直隸南和知縣以疾不赴歸宋李太師墓址爲土豪所占訟而復之與輯錫金續志晚嗜形家言著有學易反隅堪輿指原諸書工大小古篆時同邑增貢王煥庚原名煥星號心谷工隸書

陸壽昌陸鏞 工畫

陸壽昌號鳧岡常州人進士幼好學博通經史善古文辭旁及象緯輿圖算學性耿介工畫山水子鏞字麗生有文學工詩亦精繪事花鳥尤勝

朱錫均 工書

朱錫均字芷湘徐州沛人以拔貢生朝考一等歷官江西德安南

豐等縣升饒州府同知所至皆有政聲爲人口吃而聽斷精明其任南豐時建義倉修書院懲蠹役抑豪橫民至今頌之書法顏魯公勁健圓足一時罕匹

徐瑛 工書

徐瑛原名玉瑛字國瑞崑山諸生幼穎慧善屬文尤工篆隸少失怙事母以孝稱兄弟間亦友愛甚篤粵匪至瑛端坐於家罵賊不絕口遂被害

安昶過潤 工書

安昶字叶琴號蓉溪金匱東鄉安鎮人諸生喜臨摹古帖草書尤有名同邑八士橋過潤號柳橋鳴岡孫平生致力黃庭經玉版十

三行筆端生機活潑惟大書不如乃祖

錢本選潘斯美徐李亨 工書畫

錢本選字春生新陽人諸生善書得思翁法兼工畫竹家中落以授徒餬口粵匪至與妻同赴水死同邑有儒童二潘斯美性孝以能書稱徐李亨素善畫俱殉難

毛大鵬 工畫

毛大鵬浙江鄞縣人素嗜酒釐直而愛名工醫間作竹石得吳中夏太常家法道光辛卯邑有脩志之舉大鵬數言於童侯求附姓氏於藝術侯頗厭之曰古無生而立傳者若死而後可大鵬曰侯其給我耶果若是不難遂去越旬時問之則已死吁異矣

闕嵐 工畫

闕嵐字雲山安徽桐城人晚年遷居長沙性伉直人有過譏刺之不少貸然朋友有困阨輒傾囊助之以故人憚其嚴未嘗不感其惠素善繪事而不欲以畫顯蓋人以畫傳則人輕畫以人傳畫亦因人而重也其作畫甯繁無略甯樸無巧鋪白設色直造精微確守顧陸徐黃格律又善寫真嘗繪傅重庵廉訪像置五簞苗民見者無不設拜則其妙肖可知

沈照孔廣居

工書

沈照字小庾鹽城人道光五年舉人善詩工書官浙江湯溪知縣善於撫字有惠政以虧帑罷官將籍沒兩江總督陸建瀛愍其清

廉援之得免時有孔廣居一名千秋字堯山江陰人工詩究心六書之學善篆隸工鐵筆著有說文疑疑行世

顧同根王恪徐承祖

工畫

顧同根字蓮溪興化人能詩文好畫山水著有蓮溪文鈔半綠庵詩鈔時有王恪字遠謨江陰人監生善蘭竹嘗於所居之松濤閣集書畫社甥徐承祖字懌齋師其畫亦以蘭竹名

陳建蕃

工書

陳建蕃原名漢號郇皆無錫諸生議叙八品少即善書寸燭能寫試卷一本於古大家莫不臨摹游幕三十年足跡遍天下師其書文者到處甚夥鶴髮童顏年登大耋晚年擘窠大書追蹤顏柳髮



匪之亂闔門殉難

沈星徐雲路徐鳳岡張瑩 工畫

沈星字榆白鹽城人諸生善丹青時有徐雲路字企萬崑山人少為諸生有文譽詩宗晚唐填詞出入兩宋為古文疏落簡峭尤善畫梅蒼勁秀逸人爭寶之子鳳岡亦諸生通聲韻精填詞善畫梅似其父又有張瑩字懷白者江陰人工畫山水尤善寫真一點一拂飛動有神致

廖雲槎 工畫

廖雲槎字裴舟青浦人幼極慧既長贅六合汪氏所交皆一時雋遂通畫法水墨蘭石蕭然絕俗其畫花卉從周服卿入手酌古斟

今不輕落墨風神骨格足以追步南田

張培敦 工書畫

張培敦字視樵吳人山水書法均摹文氏藏有南田山水冊六幘平生最為欣賞澄江陳以和倩友人求讓不應許以厚值請之益力乃慨然曰此冊張某一息尚存斷難從命俟我易簀時以此值寄至淮以相易其愛畫入骨髓足見嗜癖之癖好古者有同情也

吳觀 工畫

吳觀字荆岷號覽庵宜興人諸生喜吟詠家有小園園中有邱有池有亭館之勝嗜酒善畫寫生得南田法延接賓客多名流每相與酌酒賦詩讀書為樂著有鷓鴣園詩草十二卷隨筆四卷

汪景望魯長泰 工書畫

汪景望字企山宜興舉人少卽發憤讀書精研經學家貧入京師備書給食後兼學畫遂以書畫名於時有魯長泰者淮安人工書法兼善畫閉門養素以道自貞

嚴元照 工書

嚴元照字脩能號九能浙江歸安諸生生而識字四歲能作大書八歲據案作諸體書求書者盈戶外四方號爲奇童比長治經史務實學薄舉子業絕意進取有悔菴文鈔詩鈔詞鈔皆卓卓可傳

錢若浩朱烈 工書

錢若浩字觀濤金匱國子生常僑寓江陰性伉爽健談豪飲善書

法工大小米時同邑有朱烈字毅甫號觀揚者家貧幼習茶葉業因不願爲市肆人奮力偷閒習字輒至夜半學成辭歸其書規仿顏歐工力甚深遂以書法教授鄉里延請訓其子弟者踵相接

翁雒 工畫

翁雒字小海號穆仲吳江人性坦率簡傲落落自若與人接意有不可輒矢口不顧忌諱工畫中年後人物寫真悉棄去獨於花卉禽蟲水族加意宜其筆墨之造微入妙也

莘開 工書畫

莘開字季長號芹園浙江歸安人少補武學生不稱意棄去更號東林樵人專志讀書工八分繆篆善寫真尤精花卉爲沈宗騫入

室弟子宗騫嘗題其畫云同遊二三子出藍惟莘開可見深許矣

黃駢 工書畫

黃駢字約領興化人由舉人充內廷教習都中名公卿皆以鼎甲許之五應會試薦而未售挑發山東應知淄川清平縣士民戴之以軍功擢平涼鹽茶同知歷守甯夏西甯人稱其書畫詩為三絕

楊士昕 工畫

楊士昕字劭起武進人嘉慶二十三年舉人官直隸寧津知縣免官後居保定以醫自給清貧如寒素性好學工詩文畫花果隨意揮灑頗有韻致

蔣名芳 工書

蔣名芳字蘭洲浙江遂安人弱冠游庠即名噪諸生間十戰棘圍屢薦不售士林惜之性喜吟咏善詩詞兼工書法放跡山水間輿到留題人稱雙絕云

符旌 工書

符旌字浚城一字雨巖興化人嘉慶間由郡庠貢選廬江訓導有政聲生平勤學窮經於詩書訓詁尤淹貫文古雅詩工近體字臨晉人性高曠不屑求田問舍朋戚友傾囊無所吝

臧錫輅 臧魯高 工書

臧錫輅字鳴鑾徐州宿遷人諸生工書同里臧魯高字不羣歲貢生奉母以孝稱友愛諸弟周恤族戚終身不倦績學不售意恬如

也洽醫及堪輿家言皆精究理奧書法三王時人重之

沈榮 工畫

沈榮字石薌號甌史元和人生而穎異幼即悟寫生訣旁及士女人物蟲蝶襟品與七薌裴舟互相參究由此遂工花卉賦色豔冶尤喜摹姚黃魏紫時有沈牡丹之目山水得婁東法筆意鬆秀皴染融洽間寫枯枝瘦石清逸絕塵毫無時史習氣亦擅長寫照

顧蕙生顧德垣 工畫

顧蕙生字竹畦無錫人太學生蕪塘先生弟工詩善畫山水功夫老到邱壑渾成無一懈筆工緻青綠畫墨色融化深得古人微妙所藏西廬麓臺各家畫幅暇輒臨摹故晚年自成一格族姪德垣

得其傳德垣字星堂咸豐庚申殉粵匪難年僅四十餘不克竟其造就惜哉

金廷標董蠡舟袁煊 工畫

金廷標字士揆浙江烏程人畫花草士女俱入能品善取影白描尤工同里董蠡舟字濟甫號鑄范覃精經史著書甚多兼善詩畫時有袁煊字采南徐州蕭縣人性豪爽勇於爲義博通史事每於廣眾中談因果聽者輒爲感動善畫尤工畫蛺蝶

何紹基 工書

何紹基字子貞號東洲一號狻叟湖南道州人道光乙未解元丙申進士旋授編修屢掌文衡內行出於天性處家庭間恂恂孝友

於學無所不窺六經子史皆有著述尤精小學詩天才俊逸奇趣  
橫生書法具體平原上溯周秦兩漢古篆籀下至六朝南北碑版  
搜輯至千餘種皆心摹手追卓然自成一子草書尤爲一代之冠  
海內求書者門如市京師爲之紙貴作書執筆用懸擘若開強弓  
勁弩取李廣猿臂彎弓之義故晚年自號猿叟著有惜道味齋經  
說八卷說文段註駁正四卷詩文集十六卷

陳繼德屠文林 工書

陳繼德字晉亭江陰國子生持躬端謹母年登大耋孝養備至性  
好利濟工篆書兼精鐵筆時有屠文林淮安諸生少有文譽工書  
家貧親老盡心供養雖販夫市僧皆欽其至行

顧麟瑞 工書

顧麟瑞字仲嘉號芝衫興化拔貢生天才穎異十歲卽知吟詠長  
益肆力於詩淮海間騷壇推重之性豪邁恥治生產與名流酬唱  
無虛日填詞亦工小賦酷肖開府隸書得漢意

鍾浩周賁如 工書畫

鍾浩字養斯號小吾又號玲瓏山樵浙江長興人以四庫館議叙  
補阜陽縣丞升全椒知縣未久改知桑植縣善篆隸書兼工指畫  
亦長鐵筆時有周賁如鹽城人諸生以書畫知名

竇繼勳 工書

竇繼勳字玉芝號春嶠廷棟子無錫廩貢生幼穎異讀書日數行

下一翻閱終身不忘時有神童之譽七歲作文已驚長老爲文洋洋灑灑不用思索九歲卽能擘窠書稍長名益盛小楷亦筆意圓潤嫵媚動人遠近之求書者接踵於門

杜厚鮑桂孫

工書

杜厚字載焉元和人爲人靜默寡言笑詩品在王孟之間癖嗜古碑碣爲漢隸三十年蒼勁有法時有鮑桂孫字古香安徽黟縣人善篆隸八分尤入妙著有石鼓文考或勸之從事顯者掉頭不應

夏之鼎任俊

工書

夏之鼎字禹庭吳縣人於畫無所不能而於飛潛動植尤留意有乞書者非與到不肯下筆畫成則張於屏間再三審諦有纖毫未

愜棄而復作其精勤如此時有任俊字耀京宜與人國子生畫工墨蘭一時名公多爲詩歌贈之

黃鞠

工畫

黃鞠字秋士松江人僑寓吳門爲人澹泊真率以詩酒自豪工繪事山水花卉迥出時蹊獨標勝韻蓋得力於南田石谷居多尤精補圖不空不實寓整秀於荒率之中斯爲獨絕亦工人物士女所寫莫愁蘇小等像留白門武林均有石刻

蔣子檢

工畫

蔣子檢字矩亭河南睢州人由舉人官江西知縣擅長墨蘭姿態靜逸畫蘭葉縱筆偃仰神趣橫溢純乎士氣近日寫蘭者不知萬

幾欲如矩亭之雅秀出塵真不可多得也

戴熙 工畫

戴熙字醇士浙江錢塘人道光十二年進士授編修官至侍郎工畫筆意師法耕煙極有功力臨古之作形神俱得惜少靈警渾脫之致所寫竹石小品停勻妥貼未能另立門徑咸豐庚申粵匪攻陷杭城在籍殉節

鈕福保 工書

鈕福保字右申號松泉浙江烏程人道光戊戌狀元授修撰官至少詹事少工文辭書法本名諸生試輒高等性坦直不設城府屢典文衡皆以得士稱

惲秉怡 工書畫

惲秉怡字潔士陽湖人幼穎敏年十六讀陸隴其書慕其爲人以清操自厲鄉試不第遂淡進取務爲經濟之學兼工書畫道光元年舉孝廉方正年已六十辭

袁沛 工書畫

袁沛字少迂元和人早歲卽以畫名入都館富陽相國第得縱觀宋元妙蹟藝益進於書法亦深造尤擅徑尺大字性恬澹晚年歸里囊橐蕭然仍賣畫自給

王玉墀高式亮徐柱臣 工書

王玉墀字鳳翰崑山人力學自奮工詩尤精篆隸旁及摹印製硯

靡弗深究同邑有高式亮字南耕諸生工詩善書又有徐柱臣字題客天姿敏妙詩詞瑰瑋淵雅書法得晉人風骨

陸雲程過宮桂蔣百春

工書

陸雲程字澹園無錫人廩生能詩文工小楷時金匱有恩貢生過宮桂字印川篤學能文授徒鄉里精通小學工唐隸分書名噪一時卒年七十五又有廩貢蔣百春字伯華善書分隸卒年七十餘

朱麟書馮霧大

工書

朱麟書字景曾宜興人候補縣丞工書得董華亭筆意歷遊浙粵皆以書名歸而益工年八十餘卒同時有馮霧大字麟書興化人庠生內行淳篤事母李以孝聞弱冠卽工文尤長於詩每酒酣搦

管作書有龍蛇飛舞之勢

改琦

工畫

改琦字七鄰號伯蘊其先本西域人以其祖沒於王事家居松江工詩詞擅長仕女落墨潔淨設色妍雅能脫去脂粉習氣所繪蘭竹筆情超逸不染點塵惟巨幅稍遜耳

曹毓芝

工書畫

曹毓芝字文山浙江烏程副貢生遇人無疾言遽色獨名義所在侃侃指陳聞者爲肅精舉子業門下士經其指授多掇巍科工書酷嗜長洲文氏晚年喜寫風竹人得其遺墨皆珍藏之

陳經

工書畫



陳經字辛彝號抱之浙江歸安人嗜金石家藏三代尊彝及秦漢以來古錢古甄甚富精隸書旁涉花卉皆有古趣著有求古精舍金石圖

張琦 工書

張琦字翰風號宛鄰陽湖人道光三年以舉人分發山東權鄒平縣事歷章邱館陶等縣皆有政聲精輿地之學工詩古文及書尤工分隸醫術亦神妙治縣時值大疫全活甚眾

滕焯 工畫

滕焯號醉墨崑山布衣工山水人物後課徒廣福山中凡波濤之奔湧烟雲之變沒悉運諸手腕中千態萬變淋漓揮灑每至得意

時飲一大白案鋪大幅筆如風雨恍得神助

徐鑾黃靖吳德旋楊晤 工書

徐鑾字蘭儒荆溪人道光甲辰順天舉人工詩文書學歐陽率更繼學柳誠懸每變益工館都中公卿爭倒屣游閩游汴所至名重求書者踵相接同里黃靖吳德旋俱有書名靖字竹軒官浙江永嘉知縣工書德旋字仲倫廩貢生工詩古文兼善書時有楊晤字與可徐州蕭縣人書法鍾王至老益遒勁尤善擘窠書

吳育吳汝庚 工書

吳育字山子吳江人性嚴正風貌樸誠年二十一婚於常州陸氏依外舅以居少涉經史百家能古文辭工四體書篆法尤美子汝

庚字巽先丰儀古雅亦工篆書

汪鏞張士保 工畫

汪鏞字笠甫華亭人花卉人物得改琦傳晚年專工山水宗思翁時有張士保字鞠如山東掖縣人道光壬辰副貢生官臨朐教諭山水花鳥人物宗老蓮筆意古雅老蓮一派賴以不墜

秦炳文 工畫

秦炳文字誼亭無錫人道光二十年舉人官吳江教諭晚入貲爲戶部主事居京師久以善畫山水擅名於時其畫風韻瀟灑秀絕八寶初師高潛游尚爲畦徑所縛五十後專摹西廬遂臻勝境

毛文孫 工畫

毛文孫字畹思浙江遂安廩生性慷慨樂易饒有清風高節於經學字學外好繪事尤精畫水墨蘭草神韻古秀迥非俗筆洵幽人雅致也

理昌鳳李鼇 工書畫

理昌鳳字南橋興化人本李姓幼孤貧爲僧復爲道士晚乃返初服易姓理書法懷素好畫蘭竹久之精妙蒼莽之氣溢於楮墨時同邑有李鼇字駕山書險勁兼工蘆雁

吳衡章劉際辰徐璽 工書畫

吳衡章字菊畦宜興人高尚不仕彈琴詠詩外惟以書畫自娛同邑劉際辰字春江歲貢生工書畫亦有文名時有徐璽字半村與

化人善書工山水蘭竹

龔成章龔成玉 工畫

龔成章字魯裁崑山諸生性孝友母愛少子成章即推產與之師事王學浩時學浩名噪甚求畫者盈門寸縑尺楮纔斷筆輒為人携去嘗欲自圖其所居方伸紙適客至談久而去則墨瀋淋漓滿紙學浩熟視顧謂諸弟子曰吾憶初出時未下筆此何來耶諸弟子皆匿笑已知成章作謂曰汝筆墨乃至此乎即題己名其上張之中堂學浩沒畫失其家猶出重價贖歸焉弟成玉字有源貢生天資穎敏畫師成章每摹學浩作見者莫能辨

趙安止趙安禮趙之駿 工書

趙安止更名文彬字菊松新陽人嘉慶癸酉舉人幼穎慧即工書年舞勺能作擘窠大字筆力秀勁其品學兼優為鄉里所推弟安禮字梅溪性寬厚好施與亦工書兼精隸篆安止子之駿字月卿諸生天資學力卓越尋常書法褚河南臨摹酷肖

王恩綬 工書畫

王恩綬字樂山無錫人道光己酉順天舉人以知縣揀發湖北乙卯二月抵武昌賊圍攻急城閉不得入胡文忠林翼以布政使駐軍城外惜其才欲留贊軍務不可謂逗遛營中是取巧繼而入翌日城陷巷戰死謚武愍工書法學徐浩不空碑筆意圓潤凝鍊畫山水清微淡遠迴絕恆蹊

張宜尊 工書畫

張宜尊號少白又自號山人湖南澧州人安徽巢縣巡檢早年以畫名於京師陶文毅公撫皖特重之自道府上下悉以得其畫為榮縑素堆案山人應之以暇落筆輒盡數紙有所迫則終歲不可得畫山水以枯淡勝好用皴法少著色其臨古必變化不欲僅得其形似詩閒遠無煙火氣字得顛谷意時稱三絕

李文喆孟廣沅 工書

李文喆字吉甫武進舉人道光中由滁州訓導擢鹽城教諭沈浸古籍工詩善書法誨士極勤學署久積圯解已橐整新之蔣花種竹搆室顏曰養性嘯詠其中著有見聞紀異山水人物考詩古文

集凡數十卷同時有孟廣沅字茗山浙江進士知鹽城縣事善詩工書有清操

金玠黃應元 工書畫

金玠字鐵蕉安徽當塗人耿介工書畫知名一時屢卻當道徵聘讀書橫望山以布衣終時有黃應元字諫齋興化庠生為人厚重和平無疾言遽色工書善繪花卉翎毛

湯潞路元暹崔書黼李錫紳 工書

湯潞字少博荆溪廩貢生官嘉定教諭書法腴秀得十三行神髓寸縑尺素得者珍之時同邑路元暹崔書黼李錫紳俱工書元暹字封巖歲貢生性和藹事親孝年老猶依依孺慕常效懷素體作

草書一時紙貴庚申賊至被害年八十書黼字仲綸副貢生博誦勤思著述甚富晚嗜金石以善書稱錫紳字嘯山諸生能詩善書

黃鐘 工書畫

黃鐘字律陽崑山人幼負異稟有神童之目為諸生名鵲起生平潔白自矢讀書課徒門墻稱極盛晚以歲貢授阜甯訓導工詩兼善書畫以縑素詩者輒應之

金作霖 金焟杜鼎新 工書畫

金作霖字甘叔吳江人善書由褚入顏平原旁涉蘇米渾厚古樸自成一家其胸中卓犖之氣盡發之於書有長洲人金焟字守一亦善書以歐為宗草書學孫過庭日本國重其名走幣乞書者歲

恆不絕時有杜鼎新崑山增生能詩工書善擘窠大字

華廷黻 工書畫

華廷黻原名廷藻字蓉溪金匱諸生工書得執筆法於孫過庭臨撫古人名帖無間寒暑兼工畫道光庚子大水廷黻以官賑不能徧而或以食賑為恥乃議設粥店減價賣又擔粥就之全活無算

陳醇儒 俞文 工書畫

陳醇儒字蔚宗安徽當塗人為諸生有名工漢隸八分尤善山水同郡有繁昌人俞文字武先者善行草書直入晉人之室畫變化於董米倪黃之間迥非時手所及

李基華 李梁許雄 工書畫

李基字德容江陰人幼習賈暇卽染翰臨池得二王筆法特有華  
季梁字湘圃無錫人工書法所臨柳誠懸帖風骨遒勁幾欲亂真  
又有許雄字漢陽荆溪諸生工書

周傑陳本源蔣鳳池 工書畫

周傑字漢宮安徽亳州人書法聖教畫尤長於寫驢人以包虎顧  
兔例呼之傑惡其名後遂專畫牡丹得者寶之時有陳本源號星  
泉崑山人工書法兼善繪純墨梅蘭又有蔣鳳池江陰人工書畫  
兼通醫理有名諸生間

程庭鷺 工畫

程庭鷺字序伯號蘅鄉嘉定諸生工詩擅長駢體文尤善畫筆意

清蒼雅秀風韻蕭疏得檀園翁輕逸之致兼工鐵筆往來吳越間  
名益噪輯練水畫徵錄有裨文獻

凌欽明范凱 工書

凌欽明字麗天號訥言浙江烏程布衣善篆籀工鐵筆晚年尤精  
名動公卿都門求其手筆者書札絡繹不絕壽八十九時有范凱  
字允靜安徽太和人諸生善草書

鄒安鬯龔鳴夏倪掌書 工書

鄒安鬯字敬甫金匱歲貢生爲文高簡試輒不利喜讀性理書治  
三禮通算學一時問業者頗眾又以善書爲里塾師家貧飲酒鼓  
琴怡然自得時同邑有龔鳴夏字聲鵬號少琴亦歲貢秉性端慤

國朝書畫家錄 卷二  
能文工書有倪掌書字文博號伯瑛者無錫人工詩善篆隸著有篆體歌訣

丁芮模

工書

丁芮模字鷺庭號曉樓浙江歸安廩貢由訓導改縣丞分發安徽歷署太平通判潛山休甯知縣有政聲博雅好古工篆隸得兩漢筆法嗜收古彝鼎法書名畫終日摩挲其間

張道岸

馮澧 工畫

張道岸字懸渡浙江湖州人性嗜酒少進輒醉醉即喜畫蘭勃勃有生氣陸子黃嘗得其所畫懸之素壁忽發香滿室中因額其處曰蘭室同里有馮澧字叔蘭工花鳥人物

許吉徐文藻孫元超

工畫

許吉字丹亭荆溪人諸生工畫好爲蛺蝶同里徐文藻字兆奎別字榭溪國子生事母孝工畫花鳥喜仿滕王蛺蝶圖人呼爲徐蛺蝶時有孫元超字景安無錫諸生工畫山水

夏翬溫一貞

工畫

夏翬字羽谷崑山人工繪事尤善梅蘭竹石以墨法見長同時有溫一貞字又元號也癡浙江烏程人諸生學畫於沈宗騫工六法老益勤學神明不衰

畢簡

工畫

畢簡字仲白陽湖人國子生焦麓翁仲子言貌古樸工山水傳其

家法筆墨疏簡氣韻蕭散頗饒蒼潤之趣亦善寫意花卉咸豐庚申城陷賦詩投水死年八十

張步雲支鳳岐湯御龍 工書

張步雲字東涯崑山布衣好音律工書法間有吟咏為東涯小草一卷年八十三無疾而終同里稍先有支鳳岐字梧村者府庠生性至孝工書法時有湯御龍字榮光浙江烏程武解元善騎射精書法而醫藝尤絕倫

趙夢魁李羔 工書畫

趙夢魁李羔俱興化之工書畫者夢魁一名孟奎字弁南能書善寫菊竹蘭石而梅尤妙羔字卿贄號類山庠生性高邁遇俗士輒

面斥之文如其人書宗顏柳作大楷尤雄勁間畫蘭竹亦雅

華國琛賈豐綬秦鎮 工書

華國琛號筠如無錫廩貢生性嚴毅寡言笑見不平事輒義形於色工書得筆意於文趙敏復神會於董思翁小楷尤有名求書者遍江南北同時金匱諸生賈豐綬秦鎮俱工小楷

張曾露朱銓朱文曾王圻 工畫

張曾露字小梧無錫人顧應泰弟子工人物士女盡用白描時有朱銓字倫甄崑山人長身鶴立美鬚髯工詩善奕兼喜寫竹枝尤精堪輿家言其族人朱文曾字振華弱冠游庠訓子弟孝友忠信有不率教每反己自責不名一非分錢喜為詩兼工畫山水又有



王圻字西溪號郁雨浙江烏程人好讀書耽吟咏工畫蘭竹

袁汝霖 工畫

袁汝霖字天泉徐州蕭縣人性豪邁不羈嗜畫初學王石谷筆意秀曼綏輿山人張太平見而奇之授以古法畫由此益進後又徧覽收藏家名人真蹟刻意摹仿渲染設色深得婁東三王之妙

沈世焯徐楫 工書畫

沈世焯字祖期號蘆舟又號天隱老人浙江歸安監生工書畫善鼓琴尤長墨竹時有徐楫字懷祖崑山人官涇縣典史喜吟詩善書畫兼及岐黃術著有小舟吟稿對峯書屋畫譜

糜澳 工書

糜澳字竹賓陽湖人別號竹里村牧又號陽湖漁隱善畫長於寫意人物雖徑丈巨幀援筆無懦色性豪於酒不慕榮利每酒酣輒笑不止人咸目爲癡癡即自號癡癡道人

湯蠖 工書畫

湯蠖號小浯晚號浯叟湖南善化人十歲即能畫山水長益好之遂棄舉子業專攻畫兼習爲古文詩歌製小詞尤工書法唐人而別有逸趣畫始宗一峰道人而參以雲林之峻潔已乃汎濫於唐宋元明各家自華亭而止每得一名蹟必摹寫至數十次日吾始求其合繼求其脫合易而脫難脫而能合尤難也

儲人瑞儲廷椿王聲雷吳受泰 工書

儲人璣字仲一荆溪人善屬文工書其族人儲廷椿字季千亦工書時同里王聲雷吳受泰俱以書名聲雷字鳴夏書得歐陽率更筆意受泰字林楷歲貢生幼穎敏七歲能書大字比長兼善詩文著有詩古文集

瞿應紹鍾仁厲志 工書畫

瞿應紹鍾仁厲志俱有書畫名應紹字子治又字瞿甫號月壺晚號老治上海人官浙江玉環同知書畫皆學惲南田精篆隸仁字壽民浙江石門人工小楷學晉人山水極高有元人氣息志字駭谷浙江定海人廩貢生工書畫著白華山人詩鈔

顧有穀李翔鴻 工書

顧有穀字翼堂崑山諸生舉動循繩尺訓子弟必務根本之學善古文詩以工書名時有李翔鴻字遵陸別號祝雞翁徐州碭山諸生博覽古籍長於吟咏工書法

鄒駿 工書

鄒駿字雲驤號白顛一號適聲無錫人善丹青尤工花卉見古人畫幅必極力臨摹審其筆態辨其是非凡遇真花真鳥無不心領神會默而識之著有雲湘畫譜二卷

許乃普沙神芝 工書

許乃普字滇生浙江錢塘人嘉慶庚辰榜眼官吏部尚書諡文恪書宗二王與祁雋藻陳孚恩趙光爲四書家著堪喜齋集時有沙

神芝字笠甫浙江嘉興人工行草篆隸嗜金石老而彌篤

繆麟書蔣步瀛

工畫

繆麟書蔣步瀛俱吳郡之以精六法名者麟書字酉山國學生畫承家學工人物翎毛花卉著聲吳中步瀛字三鳥以明經需次教諭深通畫理工山水花鳥五十後益細秀工妙偶畫梅松小品疏老有出塵之致

張岳崧鄧傳密

工書

張岳崧字翰山號子駿廣東安定人嘉慶己巳探花官湖南布政使書法歐虞當時碑版多出其手有鄧傳密字守之號少白者安徽懷甯人石如子篆隸得家傳筆意沉穩堪與乃翁並傳不朽

吳楷陳墀

工畫

吳楷字辛生吳縣人翟繼昌弟子工花卉樹石天資既高於元明秘蹟臨倣尤多故其經營布置運筆賦色靡不勝人陳墀字仲尊長洲人山水得法於翟大坤潛心學古布墨用筆尤近董文敏間學石濤冬心作花果雜品有意無意亦自不俗

朱齡潘曾瑩

工畫

朱齡字菊垞號黃華道人上元人花鳥宗青藤山水法石濤人物近六如稍後有潘曾瑩字申甫號星齋吳縣人世恩子道光辛丑翰林官吏部侍郎工山水花卉宜小幅

王壽康吳廷康平翰

工書

王壽康字保之號二如上海人工書善臨古蹟晚年神似劉文清  
時有吳廷康字贊府一字康甫號元生安徽桐城人工篆隸鐫刻  
輯慕陶軒古輒錄又有平翰字樾峰浙江山陰人官貴州遵義知  
府書法褚登善有秀勁姿刻來青閣帖著黔轡吟

吳咨 工書畫

吳咨字聖俞武進人爲人短小精悍年十四立髡甕上作篆書勁  
老有法及長四體皆工善畫花卉魚鳥生動流美取法南田而運  
以己意刻印尤精零縑片石爲人所珍

沈史 工畫

沈史字蔚如號評花浙江歸安人諸生跌宕不羈終日沈醉不事

生產寫山水伸紙搦管疾如風雨神來之筆往往出奇好游凡名  
山勝地無不縱覽

談友仁 貝點 工書畫

談友仁字尚米長洲人問業於陸鼎所畫翎毛草蟲花木松石古  
拙蒼健無少纖媚之態素不工篆而所作行楷書皆合古篆法亦  
頗能詩時同里貝點字六泉亦工書畫

顏炳程 丕纘 工畫

顏炳字明如號少文華亭人王學浩弟子工山水有程丕纘字維  
新者崑山人胸襟豁達志趣高雅工詩兼善繪事至老不釋著有  
小獅林詩草行世

周浩字直軒宜興人工楷法性嚴正見者肅然里黨有爭力爲排

解時有李彭齡漢軍正白旗人舉人道光間爲無錫令工書又有寶光勳字佩椒無錫國子生有書名至老揮毫不倦卒年八十一

張維屏 工書

張維屏字子樹號南山晚號松心子珠海老漁廣東番禺人道光壬午進士官江西南康知府書法褚河南擅詩詞精攷核著聽松廬文鈔詩話

朱本朱璉朱鶴年李育 工畫

朱本字溉夫號素人江都人工山水人物花鳥細密清刻無甜熟

氣同邑朱璉朱鶴年李育俱以丹青名璉字若賢號石齋工花鳥人物筆意近新羅鶴年字莖雲工指墨人物山水頗能峭勁育字梅生善畫花鳥筆意妍雅兼工山水

徐雲超任齡杭潮 工畫

徐雲超字洽風宜興人工詩受畫法於吳衡章寫真入妙人物花鳥並多韻同里任齡字仁山工山水寫真亦衡章弟子晚更落墨蒼勁杭潮字枕湖諸生工詩善畫傲憚南田得其韻致

楊能格徐渭仁 工書

楊能格徐渭仁並以能書著稱能格字簡侯號玉堂種竹生漢軍正紅旗人道光丙申翰林官江甯布政使工書初法右軍晚兼魯

公渭仁字文臺號紫珊上海人工篆隸行楷精鑑定

趙颿黃樂之 工畫

趙颿初名蕃字蘭舟浙江蘭溪人湯貽汾幕客工人物山水花卉湯有酬世之作多其手代以其筆意相似也時有黃樂之字愛廬廣東順德人道光壬午進士官吏部主事工花卉筆意高雅

翁廣平王溥 工書畫

翁廣平字梅邨震澤人道光元年舉制科工篆隸山水師婁東同時之以書畫名者有太倉人王溥字雲泉王宸弟子官四川大竹典史書法蘇米兼工分隸山水得家法畫境蒼莽多師梅道人

姚燮倪鳴時 工畫

姚燮字復莊一字梅伯號莖橋一號大梅山民鎮洋人道光甲午舉人工花草人物晚年善寫梅著疏影樓詞詞律勘誤倪鳴時字硯農號于桐嘉定人工花鳥寫生山水人物士女亦秀雅可觀

張瑩黃鶴張朝桂 工畫

張瑩字懷白號長生江陰人工人物寫真取法老蓮鹿公林則徐推許之時有黃鶴字石屏者丹徒人花鳥與潘恭壽絕相似又有張朝桂字問秋寶山人工梅菊擅古文著養拙居集題畫跋

陸與喬儲杏元儲瑗 工書

陸與喬字子卿宜興人貧而好古善鑒別名人書畫師事吳德旋工詩古文字體尤奇逸同里儲杏元儲瑗亦以書名杏元字宮垣

諸生工篆隸真草嘯詠自恣旁若無人瑗字淦泉諸生工書始學趙文敏繼參顏歐晚歲專嗜草聖墨瀋淋漓識者寶之

蔣清怡沈惇彝 工畫

蔣清怡字素書江陰人傳其家學畫得元人意而參以米法時有沈惇彝字積躬號敘軒浙江歸安人仕至淮海道寫墨花似徐青藤墨蘭有陳古白風

温文禾 工畫

温文禾字允嘉號稼生浙江歸安人道光丙申進士工部主事儻多才藝畫山水以大癡為宗著墨淹潤神韻天然

王言鑄徐寶誠 工書

王言鑄字伯陶金匱人道光十七年順天舉人官內閣中書工小楷時有徐寶誠字實善崑山人諸生性誠篤行止端方家貧投徒自給工擘窠大字

馬家驥江舟 工畫

馬家驥字西亭興化人庠生喜鼓琴賦詩作畫温雅和粹對之令人意遠其同時有江舟字虛舟者安徽繁昌人精天文象緯之學畫龍虎自成一派

潘廷與汪真理王雲表 工書

潘廷與字驥雲崑山諸生精書法兼工鐵線篆汪真理字慰亭安徽旌德人候選鹽知事書法魏晉遒勁古樸精韻學字母著有同

類元音四卷又王雲表徐州碭山諸生工楷法

楊伯堦 工畫

楊伯堦號芝田無錫人蘭舟子為人樸古渾厚有古長者風善承家學工畫花卉設色妍雅有致四十後右手病廢運以左手轉益生動猶終年揮灑不輟著有畫則一卷卒年八十三

自餘工畫與大卒  
國朝書畫家筆錄卷三終



